

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO KULTURE I SPORTA**

**PRAVILNIK
O IZMJENI PRAVILNIKA O UNUTRAŠNJOJ ORGANIZACIJI
MINISTARSTVA KULTURE I SPORTA KANTONA SARAJEVO**

Sarajevo, 12. oktobar 2021. godine





Na osnovu člana 52. stav (1) tačka 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05), člana 74. stav (5) Zakona o državnoj službi u Kantonu Sarajevo („Službene novine Kantona Sarajevo“, broj 31/16 i 45/19), člana 76. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05); člana 3. Zakona o izmjenama Zakona o sportu („Službene novine Kantona Sarajevo“, broj 36/21), člana 16. Zakona o ministarstvima i drugim organima uprave („Službene novine Kantona Sarajevo“, broj 36/21), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj 39/16 i 10/17), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“, br. 36/06, 8/12 i 39/16) i člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije Bosne i Hercegovine“, br. 69/05 i 29/06), ministar kulture i sporta Kantona Sarajevo, uz saglasnost Vlade Kantona Sarajevo, d o n o s i

PRAVILNIK O IZMJENI PRAVILNIKA O UNUTRAŠNJOJ ORGANIZACIJI MINISTARSTVA KULTURE I SPORTA KANTONA SARAJEVO

Član 1. (Izmjena člana 23)

U Pravilniku o unutrašnjoj organizaciji Ministarstva kulture i sporta Kantona Sarajevo, (broj 12-01-02-9199/18 od 12.02.2018. godine) na koji je Vlada Kantona Sarajevo dala saglasnost Odlukom (broj: 02-05-20278-24/18 od 26.04.2018. godine) i Pravilniku o izmjenama i dopunama Pravilnika o unutrašnjoj organizaciji Ministarstva kulture i sporta Kantona Sarajevo, (broj: 12-01-02-9199-5/18 od 17.09.2018. godine) na koji je Vlada Kantona Sarajevo dala saglasnost Odlukom (broj: 02-05-33952-1/18 od 04.10.2018. godine) u Odljku D. Poslovi izvan organizacionih jedinica, član 23. Pravilnika mijenja se i glasi:

“Član 23. (Radno mjesto: Viši referent za informatiku)

(1) Naziv radnog mjesta: Viši referent za informatiku.

(2) Opis poslova: Vršiti poslove koji se odnose na:

- a) pripremanje materijala za sjednice Vlade i Skupštine Kantona Sarajevo iz nadležnosti Ministarstva,
- b) prikupljanje, sređivanje i obradu određenih podataka za vršenje pojedinih informaciono – dokumentacionih poslova,
- c) dostavljanje podataka nadležnim službama Kantona Sarajevo,
- d) instaliranje potrebnih sistemskih i pomoćnih programa i druge poslove vezano za AOP,
- e) blagovremeno ažuriranje WEB stranice Ministarstva po uputama ministra, pomoćnika ministra ili po službenoj dužnosti u skladu sa Zakonom o objavljivanju propisa i općih



akata u "Službenim novinama Kantona Sarajevo" i Uredbom o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo,

- f) obavljanje poslova administratora sistema e- Pisarnice,
 - g) obavljanje administrativnih poslova za energijskog koordinatora,
 - h) praćenje stanja i potreba materijalno tehničkih sredstava i briga o kvalitetu i ažurnosti (aktuelnosti) informatičke opreme u Ministarstvu,
 - i) blagovremeno obavješćavanje sekretara Ministarstva o potrebama za redovnim nabavkama informatičke opreme,
 - j) vodi i ažurira registre pozorišta, muzeja, istaknutih samostalnih umjetnika,
 - k) obavlja i druge poslove koje mu odredi ministar i sekretar Ministarstva,
 - l) za svoj rad odgovara ministru i sekretaru Ministarstva.
- (3) U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.
- (4) Uslovi za vršenje posla: SSS - IV stepen, završena srednja škola informatičkog ili tehničkog smjera ili gimnazija, položen stručni ispit, 10 mjeseci radnog staža, poznavanje rada na računaru i uredskog paketa, poznavanje TCP/IP protokola, poznavanje operativnih sistema, servisiranja i administriranja računara i računarske opreme.
- (5) Vrsta djelatnosti: Dopunski poslovi osnovne djelatnosti.
- (6) Naziv grupe poslova: Informaciono-dokumentacioni poslovi
- (7) Složenost poslova: Djelimično složeni.
- (8) Status izvršoca: Namještenik.
- (9) Pozicija radnog mjesta: Viši referent.
- (10) Broj izvršilaca: 1 (jedan)".

Član 2.

(Stupanje na snagu Pravilnika)

Ovaj Pravilnik o izmjeni Pravilnika o unutrašnjoj organizaciji Ministarstva kulture i sporta Kantona Sarajevo stupa na snagu danom dobijanja saglasnosti Vlade Kantona Sarajevo.

Broj: 12- 02 - 37868 /21
Sarajevo, 12.10.2021. godine

MINISTAR

Samir Avdić

Na ovaj Pravilnik Vlada Kantona Sarajevo dala je saglasnost na 47. sjednici održanoj 21. 10. 2021 godine, Odlukom broj: 02-04-375637 od 21. 10. 2021 godine, a u skladu sa članom 52. stav 1. tačka 2. Zakona o organizaciji organa uprave u Federaciji BiH ("Službene novine Federacije Bosne i Hercegovine", broj: 35/05)